



Universitätsbibliothek Paderborn

**R. P. F. Ioannis Nider Ordinis Prædicatorum Theologi De
Reformatione Religiosorvm Libri Tres**

Nider, Johannes

Antverpiæ, 1611

XVIII. Quando obiiciunt modum procedendi in reformatione ineptum;
panditur quanta calliditate se palliare consueuerunt vitiosi & hypocritæ:
sicut faciunt Behemoth, lamia, draco, & ericius.

[urn:nbn:de:hbz:466:1-45728](#)

CAPVT XVIII.

Quando obiiciunt modum procedendi in reformatione ineptum; panditur quantā calliditate se palliare consueuerunt vitiōsi & hypocrita: sicut faciūt Behemoth, lamia, draco, & ericius.

AD ultimum, quando in modo procedendi ad reformationem, caluminantur deformitatem: cùm enim quidam maligni per reformatores sibi vident nihil aliud, quām quæ in regulâ & statutis vrouerunt, præcipi, & eis omnia superiora soluntur argumenta, eisque charitatiua in grauibus cærimonias dispensatio danda promittitur; adhuc velut ericij callidi, quibusdam se vestiunt obiectionum, nescio quarum, spinulis, quibus aut tempus ineptum esse pro reformatione dicant, aut reformatores inscos esse terræ consuetudinis autumant, aut sacerdtales contra Clerum plus solito per reformationem concitari prophetant; aut ordinem tendendi ad reformationem accusant, aut alia figmenta cudunt: quæ, & similia, inordinatos modos nuncupant; quæ vix littera, aut recta ratio excogitare valeret in filiis lucis, quibus prudentiores sunt filij huius saeculi, scilicet in generatione suâ hac

H 4

peſ.

B. Greg.
33. Mor.
2. 31.

cap. 32.

pessimâ : quam non ambigo periculosius obfessam à dæmonibus , quam eos qui manâ tenti, vinculis alligantur ferreis. Talium callidorum hominum versutiam B. Gregorius 33. Moralium , squamis Behemoth & draconum naturæ , lamiæ , & ericiorum assimilat: Corpus, inquit, illius (scilicet Behemoth) scuta fusilia ; compactū squamis sese prementibus fertur : quia draconis corpus squamis tegitur, ne citius iaculatione peneretur: ita corpus omne diaboli, id est multitudo reproborum , cùm de iniquitate suâ corripitur , quibus valet tergiuersationibus se excusare conatur , & quasi quasdam defensionis squamas obiicit , ne transfigi sagittâ veritatis possit. Quisquis enim dum corripitur , peccatum suum magis excusare appetit , quam deflere , quasi squamis tegitur , dum à sanctis Prædicatoribus gladio verbi Dei iaculatur, Sciendum tamen est , quod istæ defensionum squamæ , quamvis penè omne humanum genus contegant; hypocitarum tamen specialiter & callidorum hominum mentes premunt. Ipsî etenim culpas suas tanto vehementius confiteri refugiunt , quanto & stultius videri ab hominibus peccatores erubescunt. Correpta itaque simulatio sanctitatis, & malitia occulta reprehensa , squamas obiicit; defen-

fensionis & veritatis gladium depellit. Vnde benè per Prophetam contra Iudæam dicitur: *Ibi cubauit lamia, & inuenit sibi re-*^{Isa. 34. 14.} *quiem, ibi habuit foueam ericus.* Per lamiam ergo hypocritæ, per ericum vero malitiosi quique, qui se diuersis defensionibus contegunt, designantur. Lamia etenim humanam dicitur habere faciem; sed corpus bestiale. Sic & omnes hypocritæ in primâ facie quod ostendunt, quasi ex ratione sanctitatis est; sed bestiale est corpus, quod sequitur: quia valde iniqua sunt, quæ sub bonâ specie moliuntur. Ericij autem nomine, malitiosarum mentium designatur defensio: quia videlicet ericus, cum apprehenditur, eius caput cernitur, & pedes videntur, & corpus omnne conspicitur, sed mox ut apprehensus fuerit, semetipsum in sphæram colligit, pedes introrsum subtrahit, caput abscondit, & intra tenentis manum totum simul amittitur, quod simul antè videbatur. Sic nimirum malitiosæ mentes sunt, cum in suis excessibus comprehenduntur. Caput enim ericij cernitur, quia, quo vitio peccator ad culpam accesserit, videtur. Pedes ericij conspicuntur, quia, quibus vestigiis nequitia sit perpetrata, cognoscitur. Et tamen adductis repente excusationibus ma-

H 5

litiosa

litiosa mens introrsus pedes colligit; quia
cuncta iniquitatis suę vestigia abscondit: ca-
put subtrahit, quia miris defensionibus nec
inchoasse prauum aliquod ostendit, & quasi
sphera in manu tenentis remanet. Hæc ille.
Ex præmissis igitur solutionibus patet, quām
incassum sæculi huius homines moueantur
contra lucis filios per argumenta callida.
Quo contrà Apostolus clamat: *Nolite
conformari huic sæculo.*



IOAN.